

1985

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

1625

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/02-05-23146-77/19  
Sarajevo, 11.07.2019. godine

**SKUPŠTINA KANTONA SARAJEVO**  
n/r **Elmedin Konaković**, predsjedavajući Skupštine Kantona Sarajevo  
-ovdje-

**PREDMET: *Odgovor na zastupničku inicijativu- dostavlja se***

Poštovani,

**zastupnica** u Skupštini Kantona Sarajevo **Jasna Duraković** na Devetoj radnoj sjednici Skupštine Kantona Sarajevo održanoj dana 19.06.2019. godine u okviru tačke dnevnog reda „Poslanička pitanja, inicijative i odgovori“, postavila je zastupničku pitanje:

„Nedavno je uvaženi zastupnik Vedran Jakupović uputio inicijativu prema Ministarstvu obrazovanja, nauke i mladih KS, za uvođenje predmeta o sigurnosti i društvenoj samozaštiti u srednje škole u KS. Kako prenose mediji, ova inicijativa je usvojena i taj predmet će biti uveden. Uz dužno poštovanje i kolegi Jakupoviću i ministrici, ja zaista ne vidim valjan razlog za uvođenje ovakvog predmeta u kontekstu činjenica da su nam djeca već jako opterećena nastavnim planovima i programima i obimom gradiva. Pored toga, smatram da bi daleko korisnije bilo uvesti obavezni predmet opće političke i medijske pismenosti u nekom duhu demokratskog napretka i građanskog društva koje treba da bude kritički osviješteno, da bi napredovalo, a ne da se se vraćamo na sistem suvišne teorije, od koje mladi neće imati velike koristi u kontekstu neprilagođenosti potreba tržišta rada.

Očekujem od ministarstva da mi odgovori na slijedeća pitanja:

1. Koja je opravdanost od uvođenja ovakvog predmeta i da li je ministarstvo uopće napravilo ikakve projekcije u smislu ishoda učenja i koristi od ovakvog predmeta?
2. Šta to gradivo obuhvata i podrazumijeva i da li će biti prilagođeno kurikularnoj reformi i sutra tržištu rada?“



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



## Odgovor

Koristimo se prilikom da još jednom napomenemo da je u odgovoru koje je Ministarstvo dostavilo Skupštini u vezi s inicijativom koju je pokrenuo uvaženi zastupnik Vedran Jakupović navedeno da će Ministarstvo za obrazovanje, nauku i mlade imenovati radnu grupu koja će imati zadatak da pripremi nastavni plan i program za navedeni predmet, predloži vremenski okvir, odnosno u kojim razredima srednje škole će biti realiziran predmet i provede sve ostale aktivnosti kako bi se osigurale pretpostavke za implemantaciju inicijative.

U radnu grupu su imenovani stručnjaci iz navedene oblasti, ali i stručnjaci iz oblasti pedagoških nauka koji će biti u prilici pravilno vrednovati sadržaj nastavnog predmeta, potrebu njegovog uvođenja, horizontalnu i vertikalnu povezanost sadržaja tog predmeta sa ostalim predmetima, opterećenje učenika i nastavnika, ali niz drugih stručnih pitanja bitnih za realizaciju nastavnog plana i programa za srednju školu.

Nakon što radna grupa Ministarstvu dostavi Završni izvještaj sa potrebnim priložima Ministarstvo će moći dati konkretan odgovor na postavljena pitanja uvažene zastupnice Duraković i omogućiti uvid u kompletnu dokumentaciju.

S poštovanjem,

## Dostaviti:

1. Naslovu;
2. a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

